



Komunikadu Imprensa

Ministériu Finansas halo ona Pagamentu Cesta Básica ba kompañã 11 ho total US\$ 3.316.500

Dili, Timor-Leste – Iha sexta-feira, 18 marsu 2021, Ministériu Finansas hahú halo ona pagamentu Cesta Básica ba kompañã lokal hamutuk **sanulu-resin-ida (11)** ho montante total **US\$ 3.316.500**

Pagamentu ne'e halo hafoin Sekretariadu Tékniku Fundu COVID-19 simu pedidu pagamentu Cesta Básica hamutuk haat-nulu-resin-hitu (47) husi Ministériu Turizmu, Komérsiu no Indústriã (MTCI).

Iha semana ida-ne'e nia laran, Ministériu Finansas liuhusi Sekretariadu Tékniku Fundu COVID-19 mós sei halo tan pagamentu ba kompañã lokal hamutuk rua-nulu-resin-neen (26). Kompañã lokal 26 ne'e mós kumpre ona sira nia dever hodi ba selu sira nia Impostu Rendimentu (*Income Tax*) 0,5% husi sira nia total rendimentu.

Aleinde ne'e, iha mós pedidu pagamentu hamutuk sanulu (10) ne'ebé Ministériu Finansas sei hein hela MTCI atu kompleta dokumentus hodi aneksu iha Sistema *Government Resource Planning (GRP)* molok realiza pagamentu.

Iha 22 marsu 2021, Sekretariadu Tékniku Fundu COVID-19 mós simu ona pedidu pagamentu hamutuk lima (5) husi Sekretaria Estadu Kooperativa (SeKoop). Daudaun ne'e, Ministériu Finansas sei verifika hela dokumentus hirak ne'e molok realiza pagamentu.

Ministériu Finansas liuhusi Sekretariadu Tékniku Fundu COVID-19 kontinua nafatin kolabora ho Ministériu implemendadór sira seluk hanesan Ministériu Agrikultura no Peskas (MAP), Sekretaria Estadu Kooperativa (SeKoop), no Sentru Lojístiku Nasionál atu aselera prosesu pagamentu ba kompañã sira ne'ebé mak fornese ona ai-han ba programa Cesta Básica.

Bainhira dokumentu pedidu pagamentu hirak ne'e **kompletu, loos no prienxe ona rekeзитus pagamentu tuir Lei haruka**, Ministériu Implementadór sira sei submete ba Sekretariadu Tékniku Fundu COVID-19. Hafoin simu pedidu pagamentu husi ministériu implementadór, Sekretariadu Tékniku Fundu COVID-19 sei prosesa dokumentu sira hotu no sei realiza pagamentu ba pedidu pagamentu hirak ne'ebé mak prienxe ona rekeзитus tuir regras ne'ebé vigora.

Maibé, molok Sekretariadu Tékniku Fundu COVID-19 realiza pagamentu, kompañã sira hotu tenke kumpre sira nia dever hodi ba selu sira nia impostu rendimentu (*income tax*) 0,5% husi sira nia total rendimentu conforme Lei Tributária haruka. Kompañã sira tenke apresenta sira

nia resibu pagamentu impostu rendimentu ba Sekretariadu Tékniku Fundu COVID-19 atu nune'e bele realiza pagamentu finál.

Karik kompañã fornese-dór-sira iha pergunta ruma no/ka presiza informasaun liután kona-ba asuntu impostu, bele dirije diretamente ba Autoridade Tributária, Ministériu Finansas ka bele vizita portál Autoridade Tributária nian iha www.attl.gov.tl relasiona ho (i) pagamentu impostu, (ii) submisaun relatóriu mensál/anuál no (iii) pedidu emisaun ba *Certidao de Dividas*. Informa mós katak pagamentu impostu sira ne'e bele halo liuhusi mákina ATM P24. Kontribuinte sira la-presiza ba forma tan iha banku komersiál sira hanesan uluk.

Ba pedidu pagamentu *Cesta Básica* ne'ebé mak la-prienxe ka seidauk prienxe rekeztus, **konforme Lei haruka**, Sekretariadu Tékniku Fundu COVID-19 sei devolve ba ministériu implementadór hodi kompleta no submete fila-fali.

-RAMATA-